

ՀԱՆՐԱՊԵՏԱԿԱՆ ԱՌԱՐԿԱՅԱԿԱՆ ՕԼԻՄՊԻԱԴԱ
ՀԱՅ ԳՐԱԿԱՆՈՒԹՅՈՒՆ
ՄԱՐԶԱՅԻՆ ՓՈՒԼԻ ՀԱՐՑԱՇԱՐԻ ՊԱՏԱՍԽԱՆՆԵՐ
10-ՐԴ ԴԱՍԱՐԱՆԻ ՀԱՄԱՐ

1. Ո՞ր ստեղծագործության մասին է Միքայել Նալբանդյանն ասել. «...այդ աշխատության մեջ մարմին է առել ազգի հոգին, ազգի ներկա վիճակը, ազգի հասկացողությունը»:

- ա/ Գրիգոր Նարեկացի «Մատյան ողբերգության»
- բ/ Ներսես Շնորհալի «Ողբ Եդեսիո»
- գ/ Մովսես Խորենացի «Հայոց պատմություն»
- դ/ Խաչատուր Աբովյան «Վերք Հայաստանի»:

(1,5)

Պատասխան- դ/ Խաչատուր Աբովյան «Վերք Հայաստանի»

2. 4090, 4, Իսահակյան: - Ի՞նչ կապ կա այս ամենի մեջ:

(1,5)

Պատասխան- Խոսքը Արագած /Ալազյազ/ լեռան մասին է: 4090 լեռան բարձրությունն է, 4-ը գագաթների թիվը, Ավ.Իսահակյանը՝ այն պոետը, ով բազմաթիվ բանաստեղծություններ է ձոնել այս լեռանը:

3. «...լավ մարդը կմեռնի, բայց նրա լավ գործը աշխարհքը կանուշացնե»
(«Համբերանքի չիբուխը»):

Իսահակյանական այս տողը հայ բանաստեղծներից ո՞ւմ և ո՞ր ստեղծագործությունն է հիշեցնում: Ո՞րն է դրանց առանցքային իմաստը:

(2,5)

Պատասխան – Տողը հիշեցնում է Հովհ. Թումանյանի «Թմկաբերդի առումը» պոեմի մեկ քառատողը.

Գործն է անմահ, լավ չիմացեք,
Որ խոսվում է դարեդար,

Երնէ՛կ նըրան, որ իր գործով

Կապրի անվերջ, անդադար:

Առանցքային իմաստը մարդու՝ բարին արարելով անմահանալու, կյանքի անցողիկությանը հակադրվելու գաղափարն է:

4. Հայոց Աշխարհի վրա ինչո՞ւ է ողբում Մովսէս Խորենացին, եթէ, ինչպէս ինքն է նշում, հայոց ազգը համարվում էր «բոլոր հյուսիսային ազգերի մեջ վեհագույնը»:

(2)

Պատասխան- Ողբում է, քանի որ ազգերի մեջ վեհագույնը լինելով հանդերձ, Հայաստանը չի կարողանում ինքնիշխան լինել, հայ ժողովուրդը չի կարողնում արժանապատիվ ապրել ներքին թշնամիների պատճառով: Վերացել են թագավորն ու քահանան, խորհրդականն ու ուսուցիչը, սերն ու ամոթը, հիմնավորվել է տգիտությունը, Աստված մեզ անտեսել է:

5. Ճիշտ դասավորեք Հովհ. Թումանյանի քառյակի տողերը.

Ձեռքերն արնոտ նա գնում է դեռ կամկար,
Հազար դարում հազիվ դառավ Մարդասպան,
ՈՒ հեռու է մինչև Մարդը իր ճամփան,
Բերանն արնոտ մարդակերը էն անբան:

(1,5)

Պատասխան - Բերանն արնոտ մարդակերը էն անբան

Հազար դարում հազիվ դառավ Մարդասպան,
Ձեռքերն արնոտ նա գնում է դեռ կամկար,
ՈՒ հեռու է մինչև Մարդը իր ճամփան:

6. Սարեն կուգաք, նախշուն հավքե՛ր,

Ա՛խ, իմ մորըս տեսել չե՞ք...

Իսահակյանի գրչին պատկանող այս տողերի նմանությամբ ժողովրդական ո՞ր երգում է լուր ստանալու համար հարց ուղղվում թոչունին:

Ո՞վ է երաժշտության հեղինակը:

(2,5)

Պատասխան - <<Կռունկ>> ժողովրդական երգն է, որը մշակվել է Կոմիտասի կողմից:

*Կռունկ, ուստի՞ կուգաս, ծառա եմ ձայնիդ,
Կռունկ, մեր աշխարհեն խապրիկ մի չունի՞ս.*

Շ.Վեներային խորհրդանշող վարդը, ի սկզբանե, սպիտակ էր, իսկ երբ փուշը ծակեց նրա ոտքը, արյան կաթիլներից վարդը կարմրեց: Քրիստոնեության շրջանում վարդը դարձավ Մարիամ Աստվածածնի խորհրդանիշը: Տիրամորը երբեմն անվանում էին «անփուշ վարդ», քանզի փուշը մեղքի խորհրդանիշ է: Ըստ ավանդույթի, նախքան Ադամի մեղսագործությունը, դրախտում վարդն աճում էր առանց փուշ:

«Վարդը» վերնագրով ո՞ւմ ստեղծագործությունն է թարգմանել Հովհ. Թումանյանը: Ո՞վ է ռոմանսի հեղինակը:

(2)

Պատասխան – Թումանյանը թարգմանել է գերմանացի նշանավոր գրող Յոհան Վոլֆգանգ ֆոն Գյոթեի ստեղծագործությունը: Ռոմանսի հեղինակը կոմպոզիտոր, իսրավար Ռոմանոս Մելիքյանն է:

8. Շրջասույթներ.

- Ազատության երգիչ –
- Ավարայրի երգիչ –
- Պատմահայր, քերթողահայր –
- Ամենայն հայոց բանաստեղծ –
- Սև ցեղերի սերմնացան –
- Անմահ քանաքեոցի –
- Մեծ աղոթասաց –
- Սկյուտարի սոխակ –

(2)

Պատասխան - Ազատության երգիչ – Միքայել Նալբանդյան,

Ավարայրի երգիչ – Եղիշե
Պատմահայր, քերթողահայր – Մովսես Խորենացի
Ամենայն հայոց բանաստեղծ – Հովհաննես Թումանյան
Սև ջելերի սերմնացան – Ակսել Բակունց
Անմահ քանաքեռցի – Խաչատուր Աբովյան
Մեծ աղոթասաց – Գրիգոր Նարեկացի
Սկյուտարի սոխակ – Պետրոս Դուրյան

9. Դ. Վարուժանը ակտիվ մասնակցություն է ունեցել «Նավասարդ» տարեգրքի և «Մեհյան» ամսագրի հրատարակությանը: Այդ տարիներին նա իր ստեղծագործություններում պատկերում էր «ցավն հաճույքին և հաճույքը ցավին»:

Ի՞նչ մտորումների մեջ էր բանաստեղծը և ո՞ր ժողովածուն է այդ օրերի արձագանքը: Թվարկել ժողովածուում ընդգրկված մի քանի բանաստեղծություններ:

(3)

Պատասխան – Խոսքը Դ. Վարուժանի «Չեթանոս երգեր» ժողովածուի մասին է, որը այդ տարիներին դարձավ գրականության մեջ հայտնի «հեթանոսական» շարժման ամենամբողջական արտահայտությունը: Պատմության վաղնջական ժամանակներ վերադառնալու կոչը գեղարվեստական պայմանականություն է լուր, որի միջոցով բանաստեղծը նարմին էր տալիս ուժեղ, կատարյալ նարդուն, ազատ, ներդաշն ու գեղեցիկ աշխարհին: Ժողովածուում ընդգրկված բանաստեղծություններից են՝ «Գեղեցկության արձանին», «Օ՛, Տալիթա», «Վանատուր», «Չեթանոսական», «Բեգաս», «Արևելյան բաղանիք» և այլն:

10. Հայ իրականության մեջ ո՞վ առաջինը հայերենով

- իմաստասիրական երկեր գրեց, վերլուծեց ու մեկնաբանեց հույն փիլիսոփաներին:
- իրավաբանական աշխատություն ստեղծեց:

(1,5)

Պատասխան – Դավիթ Անհաղթը, Մխիթար Գոշը: